



Centar za zastupanje
gradanskih interesa

Obavijest za medije

BiH institucije će u 2013. potrošiti oko 9 milijardi KM

Svake sekunde će se trošiti 285 konvertibilnih maraka našeg novca - U prošloj godini budžeti su iznosili 8.7 milijardi maraka - U 2013. godini očekuje nas povećani trošak servisiranja dugova

(SARAJEVO, 1.1. 2013.) Sinoć u ponoć je resetovan brojač javnih finansija Fondacije CPI u ulici Ferhadija. Kao i do sada, brojač će 24 sata dnevno prikazivati količinu i brzinu budžetske potrošnje, kako bi služio kao podsjetnik na iznos novca poreskih obveznika koju bh institucije vlasti potroše tokom godine.

Iznos budžetske potrošnje je u blagom porastu; naime, prema dokumentima usaglašenim između bosanskohercegovačkih vlasti i Međunarodnog monetarnog fonda, on je veći za oko tri stotine miliona maraka i u 2013. godini planiran je u visini od oko 9 milijardi konvertibilnih maraka. U tu svotu uključeni su proračuni državnog i entitetskog nivoa, Distrikta Brčko, deset kantona i svih opština u Bosni i Hercegovini.

Vlasti u BiH nerado spominju ukupni iznos budžeta, jer se njihovim fragmentiranjem lakše prikazuje javnosti da novca nema. S druge strane, svjedoci smo nenamjenskog i neracionalnog trošenja novca, kupovine glasova, kupovine socijalnog mira, kao i brojnih negativnih nalaza revizorskih službi koji se ponavljaju iz godine u godinu bez ikakvih sankcija.

Dodatni problem u tekućoj godini predstavlja i povećanje troškova servisiranja vanjskog duga za oko 300 miliona KM. Ako se tome doda da će u 2013. godini 6 milijardi i 300 miliona konvertibilnih maraka biti potrošeno na finansiranje javne uprave, postaje jasno da razvoj i zapošljavanje ni ove godine neće biti ozbiljnije podržani iz budžeta.





Centar za zastupanje
građanskih interesa

Osim brojača u Sarajevu, svim građanima BiH na raspolaganju stoji online brojač potrošnje na www.cpi.ba, putem kojeg se mogu informisati o protoku novca kroz državne blagajne. Najavljujemo i naš slijedeći projekt, interaktivnu web stranicu ***budzeti.ba***, koja je trenutno u testnoj fazi. Stranica prikazuje kako se budžeti u Bosni i Hercegovini troše prema funkcionalnoj podjeli. Kroz te prikaze građanima se pruža vizuelna informacija koliko se novca za koju namjenu troši, te koje su nadležnosti, a ujedno i odgovornosti vlasti za ispunjavanje njihovih potreba.

Za dodatne informacije molimo kontaktirajte našu saradnicu Amru Bilalović, mob br 061 683 032, ili na email: amra@cpi.ba.

CPI je nevladina, neprofitna organizacija koja prikupljanjem, analizom i objavljivanjem podataka od interesa za građane, te njihovom promocijom, aktivno podržava izgradnju civilnog društva. Fondacija CPI nastoji omogućiti da javni i verificirani podaci važni za građane BiH budu lako dostupni u kontekstu i na način kojeg može razumjeti građanin koji se profesionalno ne bavi javnom administracijom i javnim finansijama.

